



學書自題

凡○翮○心○騫○翔○鴛○蹄○肩○騰○振○事○倍○不○功○半○亾○  
駭○所○獲○僅○拙○  
書○夙○慙○赧○苦○學○自○齟○齬○初○時○愛○書○譜○久○乃○疑○筆○陣○依○附○  
恥○豪○門○搜○剔○輕○餘○燼○察○變○窮○萬○態○唾○棄○盡○一○瞬○追○摹○終○  
人○役○返○觀○恆○內○認○千○慮○周○物○表○孤○心○孰○我○印○力○竭○竟○難○  
到○學○輟○還○自○進○解○脫○厭○繩○削○習○忘○齊○枯○潤○雄○情○擺○纖○趣○  
叢○美○競○獨○儁○細○微○安○足○爲○沉○摯○所○可○信○迄○今○堆○敗○毫○念○  
昔○搔○斑○鬢○卷○紙○發○矧○笑○作○詩○療○美○疢○

深造有得其中  
甘苦非天人交  
盡者末由望見  
落石

明字出字鍊得自然南山

河源晚泊

挂席河源縣停橈日暮天斷霞明夕浪孤塔出人烟驛  
暗連榕蔭邨荒擁蔗田新詩何好惡聊一記山川

少椿伉儷寄詩唱和同人咸賦次韻二首

深摯語香鐵

侵曉檐前鵲語乾家函到逼歲華殘書和愁寄須珍重  
詩為窮工忍贊嘆應惜病軀吟大苦恐增別恨和偏難  
好將吉語頻頻答月幌明年影不單  
一撓思家淚未乾西窗話到燭燒殘每因異地常同慨

溫柔敦厚南山  
絕妙好辭香石  
曲折沉摯蓉石

欲替人愁轉自歎歲莫團團貧亦好路遙歸去夢都難  
玉臺况未緘新咏酬唱看君我益單

舟中讀拜蓮懷玉樓稿

何其神似初白香石

雲山佳處卷頻開海水天風亦快哉每到淋漓疑我語  
平生睥睨畏君才近來奇句搜瓊島可有新吟和玉臺  
伉儷早晚定知成績稿預儲尊酒待詩來

野吏亭

在惠州府治宋陳文惠公堯佐故址

野吏亭猶在扶搖上石梯江山千里豁城闕萬家低太

傑句香石

守樂誰識謂楊硯芬前輩希銓使君癡與齊移時不忍去陳迹認

標題

羅浮飛來石在惠州府治東堂古榕下

飛字妙詮香石

天風斧蓬萊夜半左股落仙真住玉洞隨風去飄泊翩然下碧霄墮地輕於籥欲墮不墮時有若寥天鶴化為美人魂孃孃腰支削時作掌中舞憑虛四無著東堂闕荒林風雨易蕭索常恐仙君杳飛去蓬萊閣

東新橋

犀帶畱佳話虹橋認故基輒隨潮上下長作路透迤古樹依城密孤帆出浦遲橫江猶鐵鎖眺望憶當時

豐湖

清迥幽淡香鐵

西湖各有妙茲以曲折勝遙從豐山來象嶺外綿互瀦為千頃陂適我野游興春氣正駘蕩雲物盡包孕嵐影墮花淑波光上蘿磴風日一盪摩草樹皆精瑩輕舟漾其閒搖搖勢不定隔浦懸孤塔穿林入微徑遂陟雲際寺載尋烟外磬浩渺知難窮泛月搜餘賸

畫不能到詩說得出南山

蔡春帆同年吾亭

王右丞遙知遠  
林際不見此簷  
間妙在不見此  
又妙在見收處  
一筆掃空得大  
解脫南山

其秀在骨香鐵

斯亭以吾名。屬吾無不可。而吾當屬誰。我有人亦頗。是  
卽無所屬。問屬殊瑣瑣。亦非無所屬。所屬蓋益夥。愛此  
片席地。綠陰三面裹。外臨千頃湖。浩蕩若泛舸。坐見古  
榕罅。一舸湖中簸。想彼倚篙人。見我舸中坐。且自啜苦  
茶。不用較人我。

元妙觀蓬萊石

眉。宇。見。精。悍。筋。骨。露。奇。秀。蒼。然。泰。華。色。挺。此。一。峯。瘦。雖

經風雨剝不受。莓苔繡我疑。古飛僊攜來出。懷袖偶然  
植林間。遂並南山壽世人。那得知綠雲闕。清晝

東方先生祠前紅梅

玉貌仙人迥出羣。縞衣不著石榴裙。東風替染胭脂暈。  
嫁與先生作細君。

永福寺貝樹

奇樹鬱沈沈。移根身毒土。肥柯蟠屈曲。密幹攢三五。我  
來葉正脫。不向東風舞。叉手了無言。指指天龍豎野梅。

於林君復外又  
添一神仙眷屬  
矣香鐵

結有禪理蒼石

花其旁飛英散如雨。

豐湖亭

湖心亭子好一點鏡中懸小比漚浮水圓於月在天烟  
波搖不定光景浩無邊何日重攜酒垂楊繫畫船

王子霞墓

萬里馳驅侍逐臣江樓山寺寄閒身相隨患難真知己  
不合時宜得解人南海千年畱勝蹟西湖兩地接芳鄰  
壁間縱有迎神曲詩紀同鄉語倍親

名論不磨香石

遊六榕光孝二寺歸紀所歷十首

東坡書六榕額

六榕舊榜題老坡字徑尺八體擘窠老樹多年屬鄰圃  
遺刻未受風日磨我來游訪掃苔壁坐卧其下三摩抄  
不知骨肉是何物但覺掀髯對我兩頰渦汀州太守伊謂

秉綬汀州人古好事粵中題榜窮搜羅德有鄰堂最嚴重思

無邪齋猶嵯峨默化堂額典型在已有老隸唾其訛惠守

楊前輩希銓云舊隸謂堂字已失真瓊南洞酌竟蕪沒其餘散落知且多

人人意中所欲  
言却寫得沈至  
南山

神龍掉尾香石

此。刻。精。整。亦。可。寶。毋。使。利。刃。傷。蛟。鼉。先。生。所。長。不。獨。此。  
區。區。之。好。無。乃。阿。淪。肌。浹。髓。要。有。在。欣。慕。特。寄。點。磔。波。  
嗚。呼。吾。年。四。十。兩。鬢。皤。書。且。不。成。安。問。他。

東坡辨道歌碑

經苑七尺石破裂如壞衲隱見辨道歌綠字苔蘚而歌  
詞辨真道謂當棄紛雜驕奢形彭亨矜夸言合沓貪愛  
與。嗔。喜。籠。箴。日。招。納。趨。死。等。獵。猥。晨。鐘。何。鞞。鞞。忽。忽。八。  
百。年。讀。者。如。嚼。蠟。豐。碑。笑。世。人。昂。首。對。孤。塔。慨。我。生。也。

晚殘缺追摹摺疑義日已多欲舉無人答

寺後舍利塔

此塔何年造頽垣長碧蘿森嚴老尊宿蕭瑟病維摩偶  
作獨游客思登七級坡危梯不可上辜負影嵯峨

達摩井

晨入訶子林亟訪達摩井圓甃幾成壞尺水自清冷徑  
思汲井華却恐辜修綆不酌曹溪水此味驟難領早歲  
叅西來寸心常耿耿豈辭聞道晚所願致力猛回首四

形容壞塔入妙  
蓉石

十年白駒浪馳騁頭顱竟如許慚媿井中影

菩提樹

短古勝概  
此題只合如此  
作結南山

寂○寂○古○壇○風○日○冷○上○有○虬○柯○耿○踈○影○是○從○摩○伽○陀○國○來○  
鬼○伯○蠻○君○晝○夜○警○栖○以○迦○陵○鳥○綴○以○曼○陀○華○香○雲○滃○鬱○  
法○雨○灑○金○剛○琉○璃○森○衙○衙○寫○經○作○福○吾○不○信○從○僧○且○乞○  
菩○提○紗○

風旛堂

風旛不自動動乃風所為謂是風之動風動見者誰兩

到題超妙  
暮石

動○爭○不○決○心○動○輒○相○隨○妙○哉○盧○居○士○片○語○驚○其○師○我○聞○  
治○心○訣○先○治○其○所○馳○若○求○得○此○心○動○靜○乃○可○施○無○靜○始○  
無○動○無○心○更○何○治○居○士○不○可○作○此○語○孰○轉○之○惟○有○風○旛○  
堂○空○洞○照○方○池○

洗盃池

洗盃池頭立澄波漾綠蘋池空畱此地鉢竟屬何人樹  
碧風搖晝花香雨漲春齋堂人寂寂欄角小逡巡

六祖髮墻



南海法性寺曾寓盧居士是爲能大師訪道走千里既  
得東山法還歸法性止演教寶林壇移錫曹溪水當日  
一螺棄于今孤塏起千古南華龕遙遙相對峙

金塗塏

夙聞金塗塏南漢之所供兩兩東西峙勒字尙可誦其  
一大寶年癸亥當夏仲內侍龔澄樞鑄造鄧氏從一勒  
歲一卯有司奉勅送二丈有二尺綴以吉語頌鑄塔未  
四載持挺遂入宋封之降王長豢之列侯俸銀乎爾可

不刺而美美深  
於刺香鐵

兒○作○事○頗○殊○衆○摒○擋○東○南○力○糜○爛○供○一○弄○迄○今○立○積○鐵

雙○躡○高○連○棟○儻○治○千○秋○業○豎○子○才○可○用

宋藝祖嘗謂左  
右銀好工巧習

以成性儻能移于  
治國豈至滅亡哉

銅卧佛

謂○師○欲○睡○弩○兩○目○謂○師○欲○起○伸○兩○足○世○人○營○營○夢○不○休  
阿○師○獨○醒○三○千○秋○今○我○謁○師○行○萬○里○津○梁○之○疲○可○知○矣  
我○倦○欲○眠○師○起○起

涉筆成趣不落  
言詮 蒼石

哀癡兒 憫冤也

新樂府體格音  
節逼肖香山南

四詩較之秦中  
吟尤為警動香鐵

仍以妻子勸之  
癡兒應有悟入  
處蓉石

東家富兒狗食肉西家貧兒人啜粥富兒一朝怒殺人  
縣官急捕驚四鄰貧兒不願生富兒不願死不如鬻身  
代爾死白鏹觥觥媚妻子上堂對簿氣象豪行歌一曲  
來市曹貪夫殉財古亦有似爾性命真如毛吁嗟乎城  
南枯骸寒無槨寡婦嫁人孤兒哭

哀痿人 痛溺也

熬心作膏膏有毒裝以陶坯吸以竹精氣耗盡臟腑腐  
漸剝爾肌銷爾肉安用肉安用肌髓體之樂世人那得

委曲盡致嬉笑  
甚於怒罵  
能寫痿人之神  
誠諧出之彌極  
沈痛蓉石

知謂醉非醉夢非夢奄奄待斃其樂不可支可以渴此  
愛最難割可以饑此道最難離昨聞南鄰誅死北鄰械  
今日飽餐明日戒

哀游民 戒黨也

游民確有此氣  
概蓉石

豐衣足食百無為結盟拜會相追隨古今豪傑惟有我  
安識黃巾與赤眉父子不相能兄弟不相友惟我盟會  
不可負一朝官捕走四方東有肥羊西有酒嗚乎不言  
盟不言會豈有良民官肯害

數詩諷喻深矣  
仁人之言豈但  
繼香山而爲正  
聲耶香石

數章皆洞見精  
結之談蓉石

奇境須得此起  
手香石

以昌黎奇崛之  
體運眉山磅礴  
之氣煌煌巨構  
橫絕人寰香鐵

哀貪夫 懲倖也

市井渠魁創奇術借事作闖詭難詰人各出錢寄巨室  
託以幻名載之筆一朝發覆消息疾負者千人勝者一  
鼓吹過衢路主人送泉布借問送者誰半是主人親與  
故吁嗟乎貪夫終不悟

七星巖

南離炎帝歲巡狩崧臺夜觴朱鳥宿肇慶府志七星巖上帝觴百神處  
日盤月杵星俎豆醉斟北斗以爲壽飄然墮地巨雷吼

隨風化作七巖岫寒皴燠蝕餘枯瘦聶屬蹲踞蛟龍竇  
平沙細路裊篆籀穿空入窟競奔湊初級偈仄愁顛仆  
下仰窪罇上俯鏡浮梁蜿蜒若天構以手捫梯頂承漚  
大書徑丈快一觀巖洞刻唐李邕書題名紀游紛雕鏤景福二楷大徑丈

徑轉摩豁所藏富石角石鼓相敲奏石乳垂垂倒懸綬  
深谷谿舂鉅齒漱黝黑鐵壁苔雨繡精瑩玉樓松風透  
安得巨靈來奮袖劈空伸臂發其覆石天倚杵一隙漏  
瞥見蓮花鉢中咒開士結趺司禱祐雙眉不伸兩頤雷

以昌黎南山詩  
衍作七言更覺  
團結不纖碎石

就七星設想都  
是無中生有而  
奇情異采寫得  
其光熊熊如此  
乃與起處相稱  
南山

注視絕壑飛雪逗坤軸  
圻裂撐京廡傑閣橫枕風漪  
羣峯羅列若飮餌萬頃瀝湖驚  
邂逅儲奇納怪擺習狂  
闕幽測邃窮叅究有若荒墳入  
後狝又如破竈走狸鼯  
蟻角穴樹螳封鬣繭絲孳蛹窩  
哺殼蠖巢蠓腹蠻觸鬥  
持以方之差不謬茲游奇絕那  
可又弱足更上天門叩  
我思七星之精帝所授運于中  
央領緯候今迺沈埋在  
荒陬當發蘊蓄事拯救怪物夜  
出雲雨晝盡洗蠻獠變  
靈秀帝嘉汝功終汝佑騰精上  
天照宇宙

次韻

蔡南衡七松

天帝巡南大行狩軍門翼翼會羣宿羽林車騎紛如  
豆南極臨師杖靈壽弧矢高張天狼吼豐隆轟然劈  
巖岫頑者忽靈肥者瘦蟾蜍突目獅逸竇柱擎屏障  
掌畫籀圓屋岡臺巧排湊數之則七立或仆下臨瀝  
湖覆如鏡仙橋千尋虹結構帝命觴神以丹溜開關  
靈境真奇觀烹龍瀹鳳蛤雕鏤胡麻火棗旨且富河  
鼓鼓眾眾技奏刑天舞干鳥吐綬閒以松濤寒玉漱

洞口雲開鏡磨繡危翠倒影波光透常恐壺仙納之  
袖山靈爲之設七覆又虞飛去教僧咒星辰鎮山天  
所祐連歲濛濛下甘霽余欲往遊爲病逗索書以觀  
坐庭廂闔風容與阿波皺以意度之等飭餽何時能  
與山邂逅豈有數存不可狃佳境未許親尋究攀援  
難遂檻中狃熟視無覩穴中鼪欲觀天象坐井甃見  
小何異居巢穀傳聞難與親見門古今變移豈無謬  
如此勝遊君能又願陪其後松門叩君才萬斛殆天

授羣仙拂拂恭迎候乞以君華藥余陋其奈膏肓不  
可救光苾萬丈夜復晝北海書麗君書秀天令神物  
爲護佑勿使磨滅垂宇宙

曉發羅定

日出瘴烟洗天空江路賒風團雲作絮石激浪生花山  
曲帆頻轉林陰幔不遮那知身是客已慣住浮家

夜泊清遠

停舟烟水窟捲幔見星河峽險山圍驛江空月盪波客

從○行○路○老○詩○入○宦○囊○多○東○望○雲○千○疊○懷○人○發○浩○歌

進連州江

連江古滙水形勢雄南州奔騰赴瀘陽西來迎我舟轉  
權風色改光景浩難收崖谷有怪雲石瀨無安流未敢  
畏行役會當追冥搜上窺千仞巖下瞰百丈湫

浣洗廠

含滙縣久廢故地或名廠凌晨望寥濶平川浩泱泱山  
高日出遲空翠相摩盪人烟雜雲霧曉色明筱蕩杳靄

十字已括連江  
一州山水諸詩  
巖秀處有柳州  
文格所不到者  
香鐵

柳之烟消日出  
以散處見精妙  
此以團處見精  
妙香鐵

冲融閒亦足遂幽賞

錦浪灘

沸水上崩奔禿石下環衛盪泱作飛雨倒灑江天霽漚  
急萬篙戰風緊羣許厲掀蓬望三峽亂峰插雲際

三峽

連山若奔雲因風時一斂拔地挺修莖燭天騰烈燄銳  
鈍列千角青赤攢萬點駢頭各競出瘦削類新剡下眎  
長江流側覷孤帆颭安得瞿塘游經此蜀道險

精悍香鐵

數語置之韓集  
殆不可辨南山

幽秀 香鐵

收五字別開生  
面妙是佳句若  
在中間亦常語  
耳 南山

蒼瘦 香鐵

水有芒角絕奇  
水能齧石似奇  
實確 南山

連州坪

崖樹多異花。好鳥啼不見。西岸連州坪。北屬陽山縣。取  
路漸曠渺。閉空尙葱蒨。獨峯時一出。激浪去如箭。迴首  
青濛濛。入峽勢又變。

青蓮汎

輕舟溯斟水。欹側乘兩帆。絕壁動千仞。照眼青巉巖。怒  
湍出。芒角齧石成空嵌。修篁據其上。寫影何筍參。容與  
不能久。瞬息來千巖。

通儒水口

眾水茲交會。羣山互回遶。蜿蜒數百里。陡絕太虛表。石  
屋出嶺罅。山田懸樹杪。始覺雲日高。劣辨松杉小。欽崱  
下無垠。突出最天矯。日暮杳人蹤。盤空見獨鳥。

小神灘

陰厓忽中裂。密樹緣其凹。叢生蹲羣猊。倒出蟠孤蛟。鬱  
翠滃谿壑。積濕蒸砮礮。萬古日不到。惟有歸雲巢。

石螺灘

巖洞幽陰十字  
寫出

幽深 香鐵

忽又似王孟 石蓉  
孤高自喜 香鐵

骨格精奇是白  
石仙之不食烟  
火者香鐵

纍纍水中螺灘急未容泝惟有出水磯嵯岬夾前路怪  
爾空洞腹風濤日吞吐細剔脈絡出久礪鋒鋌露青筋  
白者骨積溜不敢蠹精瑩水晶域永謝浮塵汚

### 石鐘巖

造物當造神形器殊屑屑君看龍岳鐘片石寓金鐵巖  
洞薄暮尋僕僮列炬藝摩厓剔古蘚以手讀殘碣飛企  
冷鉛汞開土罷言說惟聞蒲牢吼響空尙不絕噌吰谷  
口應縹緲烟外滅深入轉厚豁力探益勇決高下勢多

出世入世冷暝  
自知眼前指點  
頭頭是道蓉石

端屈曲意又別積石畏狂很止水愛澄澈遂攀龍蛇宮  
一照靈怪穴嚴冷不可久毛骨沁冰雪出洞鐘韻杳忽  
覺世路熱

### 龍湫潭

犯曉登高岸回颿襲雙袂坡陀閉叢莽巖壑埋陰翳寒  
漉忽下垂密雪在空際幻作千丈練晃蕩照新霽當其  
初出時衆水相排擠意欲尋鉅海昂首左右睨磯石噴  
怪之出力挫其銳水急乃起立猖狂肆吞噬脫隘始自

水石相激前人  
摹寫不少罕有  
精銳警闢至此  
者。水急五字  
石破天驚南山



名理獨得香石

至柔而為至剛  
從古未經人道  
南山

神似眉山香鐵

合讀連州諸作  
名言奔赴奇句

悔。偃。息。到。海。滋。浩。浩。隨。波。流。滔滔。日。東。逝。水。石。非。有。心。  
爭。奪。乃。其。勢。而。我。忘。機。人。安。能。為。所。蔽。登。舟。三。歎。息。雲。  
天。獨。凝。睇。

楞伽峽

積。水。化。為。石。石。勢。皆。下。俯。突。兀。夾。兩。崖。顛。倒。懸。萬。乳。擎。  
出。飛。空。泉。灑。作。滿。天。雨。交。滙。奔。巨。雷。倏。忽。過。强。弩。盤。盤。  
蒼。藤。掛。瑟瑟。寒。籜。舞。翡。翠。鳴。啾。啾。蛟。蝶。見。三。五。我。欲。躡。  
其。顛。山。風。落。如。斧。恐。有。會。鐘。龍。來。攫。跑。泉。虎。二事歸當見志

挾。睡。仙。脫。漏。重。游。補。峽中有睡仙石舟行可見

歸舟游同官峽

我。舟。十。日。行。湟。溪。馱。見。巖。壑。颯。以。淒。臨。別。不。忍。重。光。躋。  
舟。迴。復。溯。湟。水。西。同。官。峽。石。累。羣。嶸。高。厓。蒼。蒼。天。與。齊。  
洞。中。聞。有。蛟。蛇。栖。峽上有冷然洞山。靈。胡。不。封。丸。泥。褰。衣。跋。履。  
盤。石。梯。乘。火。下。尋。百。丈。蛻。名。山。要。有。名。賢。題。茲。峽。何。幸。

逢。昌。黎。同官即同冠亦日銅鐘我。輩。浪。游。空。刮。鏡。分。無。傑。句。歸。囊。

攜。江。光。閃。閃。落。日。低。感。喟。下。坡。纜。解。隄。山。容。谷。態。忽。慘。

絡繹破鬼膽而  
媿皇墳實足陵  
暴萬類柳州得  
子厚文而傳連  
州得此詩而傳  
千載一轍定不  
誣也香石  
樊榭五古能於  
前人之外自闢  
町畦集中連州  
諸詩又於樊榭  
外別開生面南山  
連州諸篇刻劃  
中有包孕與杜  
詩發同谷十二  
首各有千古石

騷情畫意臨別  
惘然前詩巉刻  
過甚不可無此  
岩逸之筆以繚  
繞之 卷石

典重 香石  
警切 香鐵

悽樹為蕭。騷鳥為嘯。似欲稽我那。可稽出峽。迴望蒼烟迷。

謁張文獻公祠

翩翩風度照寰區。奕奕文章壓上都。七寶山宜才子坐。千秋錄是相臣謨。天池醜黽終虛聒。海國仙禽尚擁雛。

熙按試韶州張氏入學者六人聞說松楸無恙在何時。展拜闢榛蕪。

謁余襄公祠

願乞公前一瓣香。入門下馬拜祠堂。廷臣特識范文正。

尙論有識 南山

五六挺接不平 卷石

邊○略○差○同○狄○武○襄○

聖○代○卽○今○除○宿○弊○諸○公○何○計○靖○遐○荒○上○書○請○以○身○當○賊○  
千○古○聲○名○日○月○光

詠硯絕句二十首

余來粵中硯癖日甚惜好而無力不能致精腴  
然威鳳一毛亦可藏弄既箸蓄硯說復次其所  
愛者繫以詩

古石磨多已作坳。墨池隱隱辨螭蛟。盛名敢比賢良研。

温厚南山

詩集

舊物差同貧賤交。

蟠螭古硯縱方高三寸寬二寸色如馬肝堂微凹額上螭龍隱起殿

廷考試率用此研粵人不能舉其坑蓋古石也篋中惟此為舊物故首及之

春池漾漾欲生瀾積水空明荇藻團可似蕭蕭竹柏影

承天寺裡月中看

浮藻方研極淨青花浮動舟過羚羊峽所得

舊時寶研堂中物投贈今歸賜研齋問爾平生幾知己。

一雙青眼向吾儕。

温瑜高要何石卿著寶研堂研辨余為序之以蕉葉研見貽徑五寸銳

上豐下徧身玫瑰紫青花面背有二眼氣壯而淨似乾嘉間大西洞石賜研余齋名

井華曉汲洗琳球蟻腳鷺毛水上浮彷彿斜風吹細雨

風神駘岩南山

落花飛絮滾成毬

紅棉縱方無池高五寸上刻紅棉花一枝滿面青花結有玫瑰紫青荏

一粒大如豆

開匳噓氣欲生津暈紫縈青最可人也似洛妃乘霧去

凌波羅韞暗生塵

青霞天研大不及三寸勢若飛霞一片天青映日照之屑屑者若在其

裏所謂微塵青花也右角檳榔紋最明潤

啟匣頻看掌上紋兜羅展處氣氤氳何時掬得水中月

猶有餘波欲化雲

玉黃楛圓如掌研心魚腦盪漾浮動四面胭脂捺閒青花光彩豔豔石

卿云似正洞石

訪粵集

三

善於形容香石

泣紅灑碧最澄鮮賦似凝脂軟似綿一朵閒雲飛不去

斷虹殘照雨餘天雲腴片雲大掌許玫瑰紫青花豔豔欲活右邊五采釘一粒大西之腴

春宵翦燭一開顏陡覺巾箱石盡頑認得肌膚若冰雪

羚羊峽是藐姑山雪蕉高小雲癖硯道光十三年盧制軍坤開大西洞小雲獲十餘精品

余至肇慶見遺蕉硯冰紋凍惜研心有綠質釘為瑾瑜之瑕然無此恐小雲未肯割愛耳未始非予之幸也

一片晴雲入手溫湘簾棐几淨詩魂分明曳得昭儀袖

角上斑斑碧唾痕紫玉片雲長三寸兩面青花左角玫瑰紫青花甚豔西洞之淨者近頗

難觀重過羚羊峽所得

玉蔓紛披浮墨沼金繩閃爍照書牕近來片石稱奇貨

何況團欒璧一雙玉絲金絲精圓雙研一銀綫一金綫質色俱良蓋大西石二研為羅

定州試院供具舊例學政得收文房供具余來粵一概却之至是一循例焉

珊瑚為骨玉為胎雪淨冰清一鑑開不信摩挲日千遍

蛛絲猶絡紫玫瑰網珊自然研高三寸餘兩面冰紋一面有玫瑰紫青花一面有硃砂丁

一痕

寒玉團團巧鏤雕郵筒寄與兩瓊瑤怪渠亦有千年恨

碧血于今總未銷凝紫浮青子石對剖徑四寸強背刻山水極精滿身玫瑰紫青花石

氣甚壯蓋大西舊石小雲由高要寄贈索畫為作楞伽峽圖謝之

手硯渾如手一編雕蟲小技亦堪憐從今書味尋蝌蚪

莫效蟬魚只食仙丁蠹簡一蟲製作亦別研工云大西石

柔而不媚秀多姿窄窄闌圍淺淺池池上餘霞散成綺

渴蠶未敢向前窺綺霞五采丁質色與蠹簡同

舊石才藏緣有德新坑德薄患多才從來後輩輸先輩

閱過人材又研材激玉石僅三寸餘冰紋凍青花綠質丁白質丁五采丁金銀縷白玉帶

蛭蚰光色色具備戛之聲如朽木蓋大西底石然瑕不掩瑜不忍棄也

咏物中有名理  
南山

平允之論  
蓉石

一丸朗月照清渠細膩真教玉不如果是陳坑亦可寶

買王何礙得羊書月波硯大盈尺細膩無聲研堂碎凍盈四五寸中有一暈如月漾微波

光耀太露陳麻子坑絕品也近日鑿者不能辨雜坑見劣石輒曰麻子坑其實麻子坑止下老坑一等餘坑不

也及

鐵榦攢生五出花石中會記孛梅花盤盤又見枯藤瘦

別賞偏驚玉有瑕絡藤羅竹隱貽一硯泐紋赭黃色蓋東洞冰紋子曾見一大西石沙丁

玉點相錯成天然梅花一枝吳石華鐫記上方余為之銘日石之腴孕花之臞誰其鑄者天地鑪此類皆研中

品別

卷雲小研石含滋瑟瑟微波欲動池一對彈丸初脫手  
案頭畱置寫新詩雙丸小研作卷雲勢二眼徑四五分石質亦細畱之以備一格

星星月月看盈前滌筆教儂向那邊莫笑尙書修史夜  
忍寒半臂一齊捐余酷愛石眼先後得流雲吐華月海天朝旭荷塘生趣雲潤星輝諸小研

今又得一大研二小研竟日摩挲不能釋手

石螺石蟹養方池偶爾雕鐫亦一奇何必三台與獨柱

人間逸品最堪思余用雜坑青花蕉白諸石鑿池池中

動不泥古式亦自可玩

詠研諸章別饒風趣不比鑿藏家泛作誇詞蓉石

白雲倡和詩

游白雲寺憩雲泉山館 錢塘戴 熙醇士

晨興視秋空白雲墜露并起尋鬢鬢棲遂入招提境枯  
刹扃荒林傑閣枕修嶺振袂乘高寒脫巾壯游騁松竇  
烟靄白礪戶風日冷混合森爽氣噓吸海天影坐久不  
逢人雲歸溼衣領

夙慕濂泉水因緣蒲澗流長林挾飛瀨急響環危樓涼  
風忽回薄暗葉增颼颼蕭蕭藤蘿雨灑灑庭戶爍探奇

言學集  
四  
愜遐賞訪道傾同游清談亦已洽幽契真吾儔儻是安  
期生一遇難重求

同作

香山黃培芳香石

清曉出北郭千朵青芙蓉草木含露氣禾黍何芄芄  
曲折入幽邃澗水鳴琤淙開門仙犬伏落花埽芳叢  
已傳使者來秋雲破高峯安期抗手迎羣仙排雲中  
一笑忘世態水石譚坡公此去五百年古苔閱芳蹤  
溪深日卓午樹杪聞清鐘

萬綠蔽空下晴天作風雨濂泉匯衆流蒲澗經牖戶  
煙霞話仙心餘論上下古野蕪忽羅列薄醉泯城府  
小爲簞笠游道院連梵宇山光愛秦時臨流采芳杜  
方知蓬萊人湯結雲蘿侶蘭亭與梓澤勝概各有取  
秋禊來吾曹定是茲山主

同作

番禺張維屏南山

經年曠幽尋申旦果嘉約近山雲氣涼到寺泉聲落  
素心先後集夙好在巖壑飄飄蓬萊仙言訪雲中鶴

鶴舒臺學使登因沿蒲澗行遂共匏尊酌一軒擁萬綠紅塵  
渺難著高談出煙霞妙契入寥廓

安期古仙真遊戲海之東東坡謫嶺南人間一衰翁  
金丹有瓜棗騎鯨何時逢不如玉局詩萬本傳無窮  
九原如可作二者宜何從學人不學仙我請師坡公  
仙亦坡弟子學使詩多學蘇此意將無同

同作

鎮平黃 釗香鐵

駕鼇海浴日馭龍山浴雲仙官屏儀從晨訪雲中君

披綿擁宿霧圻縫來朝曛炎方草木蕃火斂當秋分  
紅繖出青松林容借微醺當年安期生蒲醪酌靈芬  
仙官近不飲此語生應聞

飛霞閒碧虛雲泉出其右棲隱招桂父彈棋邀橘叟  
竭來散巾幘相與敞松牖泉聲詩竅鳴雲氣畫胎受  
耳目洞元關主客挾談藪斯文得所依此會亮匪偶  
低徊南雅堂儻繼南園後

同作 次學使韻

番禺黃玉階蓉石



言身集  
笥  
筍輿冠秋山俯視萬烟井行行覲修竹到此闢詩境  
浮嵐似窺人倏已吐前嶺僕夫慎登陟繫馬不敢騁  
入門諸籟宋訪道萬緣冷落深渾若繡松淡欲無影  
飄然戴安道元風暢堪領

諸天散花雨下涌爲銀流水氣忽化雲捧此白玉樓  
是雨還是雲盪作聲颼颼八月辰則伏峯峯齊釀秋  
昔日安期生甘爲汗漫游今日樂復樂儻亦鸞雀儔  
曩哉仙人輓何必東海求

予學詩久矣自以無所獲不敢問世故世罕知予學詩  
者今年秋香石黃君培芎南山張君維屏香鐵黃君釗  
蓉石黃君玉階約游白雲山憩雲泉館相與賦詩偕和  
四君皆粵中詩人乃不棄予豈予亦詩人者流耶亟命  
房吏鈔予所謂訪粵集者就正焉香石蓉石皆加之評  
南山評而序之香鐵評而題詞焉豈予果詩人者流而  
予不自知耶豈諸君子之知予更深於予之自知耶何  
見愛之甚也香鐵愛予詩尤甚數來索副本遂錄一本

留於讀白華草堂而去二三知己他日儻猶憶予予新  
詩將絡繹而至矣訪粵集尙知予詩不盡也道光二十  
年十月醇士戴熙題記



